

11 Hoc cum audissent viri Jabel Galaad, omnia scilicet quæ Philisthiim fecerant super Saul,

12 Confurrexerunt singuli virorum fortium, & tulerunt cadavera Saul & filiorum ejus: attuleruntque ea in Jabel, & sepelierunt offa eorum subter querum, quæ erat in Jabel, & jejunaverunt septem diebus.

13 Mortuus est ergo Saul propter iniurias suas, eo quod prevaricatus fit mandatum Domini \* quod præceperat, & non custodierit illud; sed \* inluper etiam Pythonissam consuluerit,  
\* Exod. 17. 14. 1. Reg. 15. 3. 1. Reg. 28. 8.  
 14 Nec speraverit in Domino: propter quod interfecit eum, & transtulit regnum ejus ad David filium Isai.

## CAPUT XI.

Unctus David in regem, expulsis ex arce Sionis Jebusæis, habitavit in Jerusalem, sicut pote-  
 tissimus ac strenuissimus militibus, quorum he-  
 roica gesta narrantur: noluit David desideratam  
 bibere aquam, eo quod cum fortium suorum peri-  
 culo allata esset.

1. 2. Reg. 5. **C**ongregatus est igitur omnis Israel ad David in Hebron, dicens: Os tuum sumus, & caro tua.

2 Heri quoque, & nudius tertius, cum adhuc regnaret Saul, tu eras qui educebas, & introducebas Israel: tibi enim dixit Dominus Deus tuus: Tu pacies populum meum Israel, & tu eris princeps super eum.

3 Venerunt ergo omnes majores natu Israel ad regem in Hebron, & init David cum eis foedus coram Domino: unixeruntque eum regem super Israel, iuxta sermonem Domini, quem locutus est in manu Samuel.

4 Abiit quoque David, & omnis Israel \* in Je-  
 rusalem. Hæc est Jebus, ubi erant Jebusæi ha-  
 bitatores terræ.

5 Dixeruntque qui habitabant in Jebus ad Da-  
 vid: Non ingredieris huc. Porro David cepit ar-  
 cem Sion, quæ est Civitas David.

6 Dixitque: Omnis qui percererit Jebusæum in primis, erit princeps & dux. Ascendit igitur pri-  
 mus

mus Joab filius Sarviæ; & factus est princeps.

7 Habitavit autem David in arce, & idcirco appellata est Civitas David,

8 Aedificavitque urbem in circuitu a Mello usque ad gyrum, Joab autem reliqua urbis extruxit.

9 Proficiebatque David vadens & crescens, & Dominus exercituum erat cum eo.

10 \* Hi principes virorum fortium David, qui \* 2. Reg. adjuvérunt eum ut rex fieret super omnem Israel, 23. 3. juxta verbum Domini, quod locutus est ad Israel.

11 Et iste numerus robustorum David: Jesbaam filius Hachamoni princeps inter triginta: iste levavit hastam suam super trecentos vulneratos una vice.

12 Et post eum Eleazar filius patrui ejus Ahohites, qui erat inter tres potentes.

13 Iste fuit cum David in Pheandom, quando Philisthiim congregati sunt ad locum illum in prælium: & erat ager regionis illius plenus hordeo, fuderatque populus a facie Philistinorum.

14 Hi steterunt in medio agri, & defenderunt eum: cumque percussissent Philistæos, dedit Dominus salutem magnam populo suo.

15 Descenderunt \* autem tres de triginta prin- \* 2. Reg. 23. 13.  
 cipibus ad petram, in qua erat David, ad spe-  
 luncam Odollam, quando Philisthiim fuerant ca-  
 strametati in Valle Raphaim.

16 \* Porro David erat in præfido, & statio \* 2. Reg. 23. 14.  
 Philistinorum in Bethlehem.

17 Desideravit igitur David, & dixit: O si quis daret mihi aquam de cisterna Bethlehem, quæ est in porta.

18 Tres ergo isti per media castra Philistino-  
 rum perrexerunt, & hauserunt aquam de cister-  
 na Bethlehem, quæ erat in porta, & attulerunt ad David ut biberet: qui noluit, sed magis li-  
 bavit illam Domino,

19 Dicens: Absit ut in conspectu Dei mei hoc faciam, & sanguinem istorum virorum bibam: quia in periculo animalium suarum attulerunt mihi aquam. Et ob hanc causam noluit bibere: hæc fecerunt tres robustissimi.

20 Abisai quoque frater Joab ipse erat prin-  
 ceps

## 406 LIBER I. PARALIP. CAP. XI.

ceps trium, & ipse levavit hastam suam contra trecentos vulneratos, & ipse erat inter tres nominatissimus,

21 Et inter tres secundos inclytus, & princeps eorum: verumtamen usque ad tres primos non pervenerat.

22 Banaias filius Jojadæ viri robustissimi, qui multa opera perpetrarat, de Cabseel: ipse percutit duos Ariel Moab: & ipse descendit, & interfecit leonem in media cisterna tempore nivis.

23 Et ipse percutit virum Ægyptium, cuius statura erat quinque cubitorum, & habebat lanceam ut licatorium texentum: descendit igitur ad eum cum virga, & rapuit hastam, quam tenebat manu: & interfecit eum hasta sua.

24 Hæc fecit Banaias filius Jojadæ, qui erat inter tres robustos nominatissimus,

25 Inter triginta primus, verumtamen ad tres usque non pervenerat: posuit autem eum David ad auriculam suam.

26 Porro fortissimi viri in exercitu, Asael frater Joab, & Elchanam filius patrui ejus de Bethlehem,

27 Sammoth Arorites, Helles Phalonites,

28 Ira filius Acces Thecuites, Abiezer Anazothites,

29 Sobbochai Husathites, Irai Ahobites,

30 Maharai Netophathites, Heled filius Baana Netophathites,

31 Ethai filius Ribai de Gabaath filiorum Benjamin, Banaias Pharatonites,

32 Hurai de Torrente Gaas, Abiel Arbathites, Azmoth Bauramites, Eliaba Salabonites.

33 Filii Affer Gezonites, Jonathan filius Sagae Ararites,

34 Abiam filius Sachar Ararites,

35 Eliphail filius Ur,

36 Hepher Mecherathites, Ahia Phelonites,

37 Hesro Carmelites, Naarai filius Asbai,

38 Joel frater Nathan, Mibahar filius Agarai,

39 Selec Ammonites, Naarai Berothites, ar-

miger Joab filii Sarvæ.

40 Ira Jethræus, Gareb Jethræus,

41

## LIBER I. PARALIP. CAP. XII. 407

41 Urias Hethæus, Zabad filius Oholi,

42 Adina filius Siza Rubenites princeps Ru-

benitarum, & cum eo triginta:

43 Hanan filius Maacha, & Josaphat Matha-

nites,

44 Ozia Astarothites, Samma, & Jehiel filii

Hothan Arorites,

45 Jedihel filius Samri, & Joha frater ejus Tho-

faites,

46 Eliel Mahumites, & Jeribai, & Josaia filii

Elnaem, & Jethma Moabites, Eliel, & Obed,

& Jasiel de Masobia.

## C A P U T X I I .

*Qui David fuerant secuti cum fugeret Saul: & qui postea ex omnibus tribubus venerunt ut eum regem constituerent in Hebron.*

1 H<sup>i</sup> quoque venerunt ad David in Siceleg, cum adhuc fugeret Saul filium Cis, qui erant fortissimi & egregii pugnatores,

2 Tendentes arcum, & utraque manu fundis faxa jacientes, & dirigentes sagittas: de fratribus Saul ex Benjamin.

3 Princeps Ahiezer, & Joas filii Samaa Gabathites, & Jaziel, & Phallet, filii Azmoth, & Baracha, & Jehu Anathotites,

4 Samaias quoque Gabaonites fortissimus inter triginta & super triginta. Jeremias, & Jeheziel, & Johanan, & Jezabad Gaderothites.

5 Et Eluzai, & Jerimuth, & Baalia, & Samaria, & Saphatia Haruphites.

6 Elcana, & Jesia, & Azareel, & Joefer, & Jesbaam de Carehim.

7 Joela quoque, & Zabadia filii Jeroham de Gedor.

8 Sed & de Gaddi transfugerunt ad David, cum lateret in deserto, viri robustissimi, & pugnatores optimi, tenentes clypeum & hastam: facies eorum quasi facies leonis, & velocius quasi ca-

prece in montibus:

9 Ezer princeps, Obdias secundus, Eliab tertius,

10 Masmana quartus, Jeremias quintus,

11 Ethi sextus, Eliel septimus,

Cc 4

12

## 408 LIBER I. PARALIP. CAP. XII.

12 Johanan octavus, Elzebad nonus,  
13 Jeremias decimus, Machbanai undecimus.  
14 Hi de filiis Gad principes exercitus: novissimus centum militibus præterat, & maximus, mille.

15 Ipsi sunt qui transierunt Jordanem mensa primo, quando inundare consuevit super ripas suas: & omnes fugaverunt qui morabantur in vallis ad orientalem plagam & occidentalem.

16 Venerunt autem & de Benjamin, & de Juda ad præsidium, in quo morabatur David.

17 Egressusque est David obviam eis, & ait: Si pacifice venistis ad me ut auxiliemini mihi, cor meum jungatur vobis: si autem insidiemini mihi pro adversariis meis, cum ego iniuriam in manibus non habeam, videat Deus patrum nostrorum, & judicet.

18 Spiritus vero induit Amasai principem inter triginta, & ait: Tui sumus o David, & tecum fili Isai: pax, pax tibi, & pax adiutoribus tuis: te enim adjuvat Deus tuus. Suscepit ergo eos David, & constituit principes turme.

19 Porro de Manasse transfugerunt ad David, quando veniebat cum Philisthiis aduersus Saul, ut pugnaret: & non dimicavit cum eis: \* quia initio consilio remiserunt eum principes Philistinorum, dicentes: Periculo capitis nostri revertetur ad dominum suum Saul.

20 Quando igitur reversus est in Siceleg, transfugerunt ad eum de Manasse, Ednas, & Jozadab, & Jedihel, & Michael, & Ednas, & Jozabad, & Eliu: & Salathi, principes millium in Manasse.

21 Hi præberunt auxilium David aduersus latrunculos: omnes enim erant viri fortissimi, & facti sunt principes in exercitu.

22 Sed & per singulos dies veniebant ad David ad auxiliandum ei, usque dum fieret grandis numerus, quasi exercitus Dei.

23 Iste quoque est numerus principum exercitus, qui venerunt ad David, cum esset in Hebron, ut transferrent regnum Saul ad eum, juxta verbum Domini.

24 Filii Juda portantes clypeum & hastam, sex millia octingenti expediti ad prærium,

• 1. Reg.  
29. 4.

25

## LIBER I. PARALIP. CAP. XII. 409

25 De filiis Simeon virorum fortissimorum ad pugnandum, septem millia centum.

26 De filiis Levi, quatuor millia sexcenti.

27 Jojada quoque princeps de stirpe Aaron, & cum eo tria millia septingenti.

28 Sadoc etiam puer egregius indolis, & dominus patris ejus, principes viginti duo.

29 De filiis autem Benjamin fratribus Saul, tria millia: magna enim pars eorum adhuc sequebatur domum Saul.

30 Porro de filiis Ephraim viginti millia octingenti, fortissimi robore, viri nominati in cognitionibus suis.

31 Et ex dimidia tribu Manasse, decem & octo millia, singuli per nomina sua venerunt ut constituerent regem David.

32 De filiis quoque Issachar viri erudit, qui noverant singula tempora ad præcipiendum quid facere deberet Israel, principes ducenti: omnis autem reliqua tribus eorum consilium sequebatur.

33 Porro de Zabulon qui egrediebantur ad prærium, & stabant in acie instruti armis bellicis, quinquaginta millia venerunt in auxilium, non in corde dupli.

34 Et de Nephthali, principes mille: & cum eis instruti clypeo & hasta, triginta & septem millia.

35 De Dan etiam præparati ad prærium, viginti octo millia sexcenti.

36 Et de Afer egredientes ad pugnam, & in acie provocantes, quadraginta millia.

37 Trans Jordanem autem de filiis Ruben, & de Gad, & dimidia parte tribus Manasse instruti armis bellicis, centum viginti millia.

38 Omnes isti viri bellatores expediti ad pugnandum, corde perfecto venerunt in Hebron, ut constituerent regem David super universum Israel: sed & omnes reliqui ex Israel uno corde erant, ut rex fieret David.

39 Fueruntque ibi apud David tribus diebus comedentes & bibentes: præparaverant enim eis fratres sui.

40 Sed & qui juxta eos erant, usque ad Issachar

Ce 5

## 410 LIBER I. PARALIP. CAP. XIII.

char & Zabulon, & Nephthali, afferebant panes in asinis, & camelis, & mulis, & bovis, ad descendum: farinam, palathas, uvam passam: vim, oleum, boves, arietes ad omnem copiam. Gaudium quippe erat in Israel.

## C A P U T . XIII.

*A Cariathiarim reducitur arca Domini de domo Abinadab, omni Israel cum David ante eam ludentibus: sed quia Oza arcum contingens a Domino percussus est, avertit eam David in domum Obedem, cui ex eo tempore benedixit Dominus.*

**I**NII autem confilium David cum tribunis, & centurionibus, & universis principibus,

2 Et ait ad omnem cœtum Israel: Si placet vobis: & a Domino Deo nostro egreditur sermo, quem loquor: mittamus ad fratres nostros reliquos in universas regiones Israel, & ad sacerdotes, & Levitas, qui habitant in suburbanis urbium, ut congregentur ad nos,

3 Et reducamus arcam Dei nostri ad nos: non enim requivimus eam in diebus Saul.

4 Et respondit universa multitudo ut ita fieret: placuerat enim sermo omni populo.

**5** Congregavit ergo David cœtum Israel a Sior Aegypti, usque dum ingrediaris Emath, \* ut adduceret arcam Dei a Cariathiarim.

6 Et ascendit David, & omnis vir Israel ad collem Cariathiarim, qui est in Juda, ut afferret inde arcam Domini Dei sedentis super cherubim, ubi invocabutum est nomen ejus.

7 Imposueruntque arcam Dei super plastrum novum, de domo Abinadab: Oza autem & frater ejus minabant plastrum,

8 Porro David, & universus Israel, ludebant coram Deo omni virtute in canticis, & in citharais, & psalteriis, & tympanis, & cymbalis, & tubis.

9 Cum autem pervenissent ad Aream Chidon, tetendit Oza manum suam, ut sustentaret arcum: bos quippe lascivius paululum inclinaverat eam.

10 Iratus est itaque Dominus contra Ozam, & percussit eum, eo quod tetigisset arcam: & mortuus est ibi coram Domino.

II

## LIBER I. PARALIP. CAP. XIV. 411

11 Contristatusque est David, eo quod divisi-set Dominus Ozam: vocavitque locum illum: Di-vizio Ozæ, usque in præsentem diem.

12 Et timuit Deum tunc temporis, dicens: Quomodo possum ad me introducere arcam Dei?

13 Et ob hanc causam non adduxit eam ad se, hoc est, in Civitatem David, sed avertit in domum Obedem Gethæ.

14 Mansit ergo arca Dei in domo Obedem tribus mensibus: & benedixit Dominus domui ejus, & omnibus qua habebat.

## C A P U T . XIV.

*David acceptis a rege Tyri lignis & artificibus ad extruendam sibi domum, alias dicit uxores, ac multos gignit liberos; & consulto Domino bis cœdit Philisthæos.*

**I**MIT quoque Hiram rex Tyri nuntios ad <sup>2. Reg. 5. 11.</sup> David, & ligna cedrina, & artifices pa-

riatum, lignorumque: ut ædificarent ei domum:

**2** Cognovitque David quod confirmasset eum

Dominus in regem super Israel, & sublevatum es-

set regnum suum, super populum ejus Israel.

**3** \* Accepit quoque David alias uxores in Jeru- <sup>\* 2. Reg. 5. 13.</sup>

salem: genuitque filios & filias.

4 Et hæc nomina eorum, qui nati sunt ei in

Jerusalem: Samua, & Sobad, Nathan, & Salo-

mon,

5 Jebahar, & Elisua, & Eliphælet,

6 Noga quoque, & Napheg, & Japhia,

7 Elisama, & Baaliada, & Eliphælet.

**8** \* Audientes autem Philisthæos eo quod un-

ius esset David in regem super universum Israel, <sup>\* 2. Reg. 5. 17.</sup>

ascenderunt omnes, ut quærerent eum: quod cum

audisset, David egressus est obviā eis.

9 Porro Philisthæim venientes, diffusi sunt in

Valle Raphaim,

10 Consuluitque David Dominum, dicens: Si

ascendam ad Philisthæos, & si trades eos in manu

mea? Et dixit ei Dominus: Ascende, & tradam

eos in manu tua.

11 Cumque illi ascendissent in Baalpharasi,

percussit eos ibi David, & dixit: Divisit Deus ini-

micos

nicos meos per manum meam , sicut dividuntur aquæ , & idcirco vocatum est nomen illius loci Baalpharam.

12 Dereliqueruntque ibi deos suos , quos David jussit exuri.

13 Alia etiam vice Philisthiim irruerunt , & diffusi sunt in valle.

14 Consuluitque rursum David Deum , & dixit ei Deus: Non ascendas post eos , recede ab eis , & venies contra illos ex adverso pyrorum.

15 Cumque audieris sonitum gradientis in cumine pyrorum , tunc egredieris ad bellum . Egressus est enim Deus ante te , ut percutiat castra Philisthiim.

16 Fecit ergo David sicut præceperat ei Deus , & percutiit castra Philistinorum , de Gabaon usque Gazera.

17 Divulgatumque est nomen David in universis regionibus , & Dominus dedit pavorem ejus super omnes gentes.

### C A P U T X V .

*Parato tabernaculo , deducitur magno cum apparatu arca Dei in Jerusalem , comitante omni Israël , sacerdotibus vero ac Levitis juxta sua officia ministrantibus , & Michol despicit David coram arcu saltantem , indutum stola byssina , & Ephod lineo.*

1 **F**ecit quoque sibi domos in Civitate David : & edificavit locum arcæ Dei , tenuitque ei tabernaculum.

2 Tunc dixit David : Illicitum est ut a quocumque portetur arca Dei nisi a Levitis , quos elegit Dominus ad portandum eam , & ad ministrandum sibi usque in æternum

3 Congregavitque universum Israel in Jerusalem , ut afferretur arca Dei in locum suum , quem præparaverat ei.

4 Nec non & filios Aaron , & Levitas .

5 De filiis Caath , Uriel princeps fuit , & fratres ejus centum viginti.

6 De filiis Merari , Asaia princeps , & fratres ejus ducenti viginti.

7 De filiis Gersom , Joel princeps , & fratres ejus centum triginta.

8

8 De filiis Elisapham , Semeias princeps , & fratres ejus ducenti.

9 De filiis Hebron , Eliel princeps , & fratres ejus octoginta.

10 De filiis Oziel , Abinadab princeps , & fratres ejus centum duodecim.

11 Vocavitque David Sadoc , & Abiathar Sacerdotes , & Levitas , Uriel , Asaia , Joel , Semeiam , Eliel , & Aminadab .

12 Et dixit ad eos : Vos qui estis principes familiarium Leviticarum , sanctificamini cum fratribus vestris , & afferte arcam Domini Dei Israel ad locum , qui ei præparatus est :

13 \* Ne ut a principio , quia non eratis præsentes , percutiis nos Dominus ; sic & nunc fiat , illi citum quid nobis agentibus .

14 Sanctificati sunt ergo sacerdotes , & Levitæ , ut portarent arcam Domini Dei Israel .

15 \* Et tulerunt filii Leviarcam Dei , sicut præcepérat Moyses <sup>\* Num. 13. 10.</sup> juxta verbum Domini , humeris 4 suis , in vescib⁹.

16 Dixitque David principibus Levitarum , ut constituerent de fratribus suis cantores in organis musicorum , nabis videlicet , & lyris , & cymbalibus , ut resonaret in excelsis sonitus lætitiae .

17 Constitueruntque Levitas : Hemam filium Johel , & de fratribus ejus Asaph filium Barachie : de filiis vero Merari , fratribus eorum , Ethan filium Casaiæ ;

18 Et cum eis fratres eorum : in secundo ordine , Zachariam , & Ben , & Jaziel , & Semiramoth , & Jahiel , & Ani , & Eliab , & Banaiam , & Maasiam , & Mathathiam , & Eliphalu , & Maceniam , & Obededom , & Jehiel , janitores .

19 Porro cantores , Heman , Asaph , & Ethan in cymbalis æneis concrepantes .

20 Zacharias autem , & Oziel , & Semiramoth , & Jahiel , & Ani , & Eliab , & Maasias , & Banaias in nabis arcana cantabant .

21 Porro Mathathias , & Eliphalu , & Macenias , & Obededom , & Jehiel , & Ozaziu , in citharis pro oœtava canebant opinacione .

22 Chonenias autem princeps Levitarum , prophete-

phetiæ præterat, ad præcindendam melodiam: erat  
quippe valde sapiens.

<sup>\* 2. Reg.</sup> 23 Et Barachias, & Elcana: janitores arcæ.

<sup>6. 12.</sup> 24 Porro Sebenias, & Jofaphat, & Nathanael,  
& Amasai, & Zacharias, & Banaias, & Eliezer  
sacerdotes, clangebant tubis coram arca Dei; &  
Obededom, & Jehias erant janitores arcæ.

25 \* Igitur David & omnes maiores natu Israel,  
& tribuni ierunt ad deportandam arcam foederis  
Domini de domo Obededom cum lætitia.

26 Cumque adjuvisset Deus Levitas, qui por-  
tabant arcam foederis Domini, immolabantur fe-  
ptem tauri, & septem arietes.

27 Porro David erat induitus stola byssina, &  
universi Leviti qui protabant arcam, cantore-  
que & Chonenias princeps prophetiæ inter canto-  
res, David autem etiam induitus erat ephod linea.

28 Universusque Israel deducebant arcam fo-  
deris Domini in jubilo, & sonitu buccinæ, & tu-  
bis, & cymbalis, & nabilis, & citharis, concre-  
pantes.

29 Cumque pervenisset arca foederis Domini  
usque ad Civitatem David, Michol filia Saul pro-  
spiciens per fenestram, vidi regem David saltan-  
tem atque ludentem, & despexit eum in corde suo.

## C A P U T X V I .

Constituitur arca in tabernaculo foederis, oblatis que  
viætimis, & populo a David benedicto epulum pre-  
betur; ordinantur varia Levitarum ministeria co-  
ram arca, interposito cantico divine laudis.

<sup>2. Reg.</sup> 6. 17. 1 A ttulerunt igitur arcam Dei, & constituerunt  
eam in medio tabernaculi, quod tetende-  
rat ei David: & obtulerunt holocausta, & paci-  
fica coram Deo.

2 Cumque complexisset David offerens holocau-  
sta, & pacifica, benedixit populo in nomine Do-  
mini.

3 Et divisit universis per singulos, a viro usque  
ad mulierem tortam panis, & partem aliae carnis  
bulbulæ, & frixam oleo similam.

4 Constituitque coram arca Domini de Levitis,  
qui ministrarent, & recordarentur operum ejus,

&amp;

& glorificarent, atque laudarent Dominum Deum  
Israel:

5 Asaph principem: & secundum ejus Zacha-  
riam: Porro Jahiel, & Semiramoth & Jehiel, &  
Mathathiam, & Eliab, & Banaiam, & Obededom:  
Jehiel super organa psalteri, & lyras: Asaph aus-  
tem ut cymbalis perforaret;

6 Banaiam vero, & Jaziel sacerdotes canere  
tuba jugiter coram arca foederis Domini.

7 In illo die fecit David principem ad confiten-  
dum Domino Asaph, & fratres ejus.

8 \* Confitemini Domino, & invoke nomen <sup>Ipsil.</sup>  
ejus: notas facite in populis ad inventionem ejus. <sup>Iod. 1.</sup>  
<sup>Isaia. 12.</sup>

9 Cantate ei, & psallite ei: & narrate omnia  
mirabilia ejus.

10 Laudent nomen sanctum ejus: lætetur cor  
querentium Dominum.

11 Quærite Dominum, & virtutem ejus: quæ-  
rite faciem ejus semper.

12 Recordamini mirabilium ejus, quæ fecit: si-  
gnorum illius, & judiciorum oris ejus.

13 Semen Israel servi ejus: filii Jacob electi  
ejus.

14 Ipse Dominus Deus noster: in universa terra  
judicia ejus,

15 Recordamini in sempiternum pacti ejus: fer-  
monis, quem præcepit in mille generatiōes.

16 Quem pepigit cum Abraham: & juramenti  
illius cum Isaac.

17 Et constituit illud Jacob in præceptum: &  
Israel in pactum sempiternum,

18 Dicens: Tibi dabo Terram Chanaan, funi-  
culum hæreditatis vestræ.

19 Cum essent pauci numero, parvi & coloni  
ejus,

20 Et transferunt de gente in gentem, & de  
regno ad populum alterum.

21 Non dimisit quemquam calumniari eos, sed  
increpavit pro eis reges.

22 \* Nolite tangere christos meos: & in pro- <sup>Ipsil.</sup>  
phetis meis nolite malignari. <sup>Iod. 15.</sup>

23 \* Cantate Domino omnis terra: annuntiate <sup>Ipsil.</sup>  
ex die in diem salutare ejus. <sup>95. 1.</sup>

## 416 LIBER I. PARALIP. CAP. XVI.

- 24 Narrate in gentibus gloriam ejus: in cunctis populis mirabilia ejus.
- 25 Quia magnus Dominus, & laudabilis nimis: & horribilis super omnes deos.
- 26 Omnes enim dii populorum, idola: Dominus autem celos fecit.
- 27 Confessio & magnificentia coram eo: fortitudo & gaudium in loco ejus.
- 28 Afferre Domino familiæ populorum: afferre Domino gloriam & imperium.
- 29 Date Domino gloriam, nomini ejus, levate sacrificium, & venite in conspectu ejus: & adorate Dominum in decoro sancto.
- 30 Commoveatur a facie ejus omnis terra: ipse enim fundavit orbem immobilem.
- 31 Lætentur cœli, & exultet terra: & dicant in nationibus: Dominus regnavit.
- 32 Tonet mare, & plenitudo ejus: exultent agri, & omnia quæ in eis sunt.
- 33 Tunc laudabunt ligna saltus coram Domino: quia venit judicare terram.
- 34 Confitemini Domino, quoniam bonus: quoniam in æternum misericordia ejus.
- 35 Et dicit: Salva nos Deus salvator noster, & congrega nos, & erue de gentibus, ut confiteamur nomini sancto tuo, & exultemus in carminibus tuis.
- 36 Benedictus Dominus Deus Israel ab æterno usque in æternum: & dicat omnis populus: Amen, & hymnum Domino.
- 37 Reliquit itaque ibi coram arca fœderis Domini Asaph, & fratres ejus, ut ministrarent in conspectu arcæ jugiter per singulos dies, & vicies suas.
- 38 Porro Obededom, & fratres ejus sexaginta octo; & Obededom filium Idithum, & Hosa constituit janitores.
- 39 Sadoc autem sacerdotem, & fratres ejus sacerdotes, coram tabernaculo Domini in excelso, quod erat in Cabaon,
- 40 Ut offerrent holocausta Domino super altare holocaustum jugiter, mane & vespere, juxta omnia quæ scripta sunt in lege Domini, quam precepit Israeli,

41

## LIBER I. PARALIP. CAP. XVII. 417

41 Et post eum Heman, & Idithun, & reliquos electos, unumquemque vocabulo suo ad confitendum Domino: Quoniam in æternum misericordia ejus.

42 Heman quoque, & Idithun canentes tuba, & quatiuentes cymbala, & omnia musicorum organa ad canendum Deo: filios autem Idithun fecit esse portarios.

43 Reversusque est omnis populus in domum suam: & David, ut benediceret etiam domui suæ.

## CAPUT XVII.

Cogitanti David ædificare domum Domino, promittitur filius qui illam sit ædificaturus; unde David gratias agit, Dei erga se bonitatem extollens.

1 Cum autem habitaret David in domo sua,<sup>2. Reg. 7.</sup>  
dixit ad Nathan prophetam: Ecce ego habito in domo cedrina: arca autem fœderis Domini sub pellibus est.

2 Et ait Nathan ad David: Omnia, quæ in corde tuo sunt, fac: Deus enim tecum est.

3 Igitur nocte illa factus est fermo Dei ad Nathan, dicens:

4 Vade, & loquere David fervo meo: Hæc dicit Dominus: Non ædificabis tu mihi domum ad habitandum.

5 Neque enim mansi in domo ex eo tempore, quo eduxi Israel, usque ad diem hanc: sed fui semper mutans loca tabernaculi, &c in tentorio

6 Manens cum omni Israel. Numquid locutus sum faltem uni judicum Israel, quibus præcepit, ut pascerent populum meum, & dixi: Quare non ædificastis mihi domum cedrinam?

7 Nunc itaque sic loqueris ad servum meum David: Hæc dicit Dominus exercituum: Ego tuli te, cum in paschis sequereris gregem, ut es fides dux populi mei Israel,

8 Et fui tecum quocumque perrexiisti: & interfeci omnes inimicos tuos coram te, fecique tibi nomen quasi unius magnorum, qui celebrantur in terra.

9 Et dedi locum populo meo Israel: plantabitur, & habitabit in eo, & ultra non commovet.

Topi. II.

Dd

ve-

vebitur: nec filii iniquitatis atterent eos sicut a principio,

10 Ex diebus quibus dedi judices populo meo Israel, & humiliavi universos inimicos tuos. Annuntio ergo tibi, quod ædificaturus sit sibi Dominus domum.

11 Cumque impleveris dies tuos ut vadas ad patres tuos, suscitabo semen tuum post te, quod erit de filiis tuis, & stabiliam regnum ejus.

12 Ipse ædificabit mihi domum, & firmab. folium ejus usque in æternum.

13 Ego ero ei in patrem, & ipse erit mihi in filium: & misericordiam meam non auferam ab eo, sicut abstuleri ab eo, qui ante te fuit.

14 Et statuam eum in domo mea, & in regno meo usque in sempiternum: & thronus ejus erit firmissimus in perpetuum.

15 Juxta omnia verba hæc, & juxta universam visionem istam, sic locutus est Nathan ad David.

16 Cumque venisset rex David, & fedisset coram Domino, dixit: Quis ego sum Domine Deus, & quæ domus mea, ut præstares mihi talia?

17 Sed & hoc parum visum est in conspectu tuo, ideoque locutus es super domum servi tui etiam in futurum: & fecisti me spectabilem super omnes homines, Domine Deus.

18 Quid ultra addere potest David, cum ita glorificaveris servum tuum, & cognoveris eum?

19 Domine propter famulum tuum juxta cor tuum fecisti omnem magnificientiam hanc, & nota esse voluisti universa magnalia.

20 Domine non est similistui: & non est alias Deus absque te, ex omnibus, quos audivimus auribus nostris.

21 Quis enim est alias, ut populus tuus Israel, gens una in terra, ad quam perrexit Deus, ut liberaret, & saceret populum sibi, & magnitudine sua atque terroribus ejiceret nationes a facie ejus, quem de Ægypto liberarat?

22 Et posuisti populum tuum Israel tibi in populum usque in æternum, & tu Domine factus es Deus ejus.

23 Nunc igitur Domine, sermo quem locutus es famulo tuo, & super domum ejus, confirmetur in perpetuum, & fac sicut locutus es.

24 Permaneatque & magnificetur nomen tuum usque in sempiternum: & dicatur: Dominus exercituum Deus Israel, & domus David servi ejus permanens coram eo.

25 Tu enim Domine Deus meus revelasti auriculam servi tui, ut ædificares ei domum: & idcirco invenit servus tuus fiduciam, ut oret coram te.

26 Nunc ergo Domine, tu es Deus: & locutus es ad servum tuum tanta beneficia.

27 Et cœpisti benedicere domui servi tui, ut sit semper coram te: te enim Domine benedicto, benedicta erit in perpetuum.

### C A P U T X V I I I .

*Prælia & victoriae David, & tributa gentibus imposta, atque officiaril ejus.*

<sup>Reg. 8.</sup> **1** FActum est autem post hæc, ut percuteret <sup>1</sup>.

David Philisthiim, & humiliaret eos, & tolleret Geth, & filias ejus, de manu Philisthiim,

**2** Percuteretque Moab, & fierent Moabitæ servi David, offerentes ei munera.

**3** Eo tempore percussit David etiam Adarezer regem Soba regionis Hemath, quando perrexit ut dilataret imperium suum usque ad flumen Eu-phraten.

**4** Cepit ergo David mille quadrigas ejus, & septem millia equitum, ac viginti millia viro-rum peditum, subnervayavitque omnes equos curruum, exceptis centum quadrigis, quas reservavit sibi

**5** Supervenit autem & Syrus Damascenus, ut auxilium præberet Adarezer regi Soba: sed & hujus percussit David viginti duo millia virorum.

**6** Et posuit milites in Damasco, ut Syria quoque serviret sibi, & offerret munera. Adjuvitque eum Dominus in cunctis ad quæ perrexerat.

**7** Tulit quoque David pharetras aureas, quas habuerant servi Adarezer, & attuliteas in Jeru-salem.

8 Nec non de Thebath & Chun, urbibus Adarezer æris plurimum, de quo fecit Salomon mare æneum, & columnas, & vasa ænea.

9 Quod cum audisset Thou rex Hemath, percussisse videlicet David omnem exercitum Adarezer regis Soba,

10 Misit Adoram filium suum ad regem David, ut postularet ab eo pacem, & congratularetur ei, quod percussisset & expugnasset Adarezer: adversarius quippe erat Thou Adarezer.

11 Sed & omnia vasa aurea, & argentea, & ænea consecravit David rex Domino, cum argento & auro, quod tulerat ex universis gentibus, tam de Idumæa, & Moab, & filiis Ammon, quam de Philistim & Amalec.

12 Abisai vero filius Sarvæ percussit Edom in Valle Salinarum, decem & octo millia:

13 Et constituit in Edom præsidium, ut serviret Idumæa David: salvavitque Dominus David in cunctis, ad quæ perrexerat.

14 Regnavit ergo David super universum Israël, & faciebat judicium atque iustitiam cuncto populo suo.

15 Porro Joab filius Sarvæ erat super exercitum, & Josaphat filius Achilut a commentariis.

16 Sadoc autem filius Achitob, & Achimelec, filius Abiathar, sacerdotes: & Sufa, scriba,

17 Banaias quoque filius Jojadæ super legiones Cerethi, & Phelethi: potro filii David primi ad manum regis.

### C A P U T X I X.

Hanon rex Ammon, servis David, qui ad consolandum de patris morte venerant, contumeliam affectis, a David invaditur, ac vincitur una cum Syris auxiliariibus.

<sup>2. Reg.</sup> <sup>10. I.</sup> Accidit autem ut moreretur Naas rex filiorum Ammon, & regnaret filius ejus pro eo.

2 Dixitque David: Faciam misericordiam cum Hanon filio Naas: præstet enim mihi pater ejus gratiam. Misitque David nuntios ad consolandum eum super morte patris sui. Qui cum pervenissent in terram filiorum Ammon, ut consolarentur Hanon,

3 Dixerunt principes filiorum Ammon ad Hanon: Tu forsitan putas, quod David honoris causa in patrem tuum miserit qui consolentur te: nec animadvertis quod ut explorent, & investigent, & scrutentur terram tuam, venerint ad te servi ejus.

4 Igitur Hanon pueros David decalvavit, & rasit, & præcidit tunicas eorum a natibus usque ad pedes, & dimisit eos.

5 Qui cum abiissent, & hoc mandassent David, misit in occursum eorum (grandem enim contumeliam sustinuerant) & præcepit ut manerent in Jericho, donec cresceret barba eorum, & tunc reverterentur.

6 Videntes autem filii Ammon, quod injuriam fecissent David, tam Hanon, quam reliquus populus, miserunt mille talenta argenti, ut conducerent fibi de Mesopotamia, & de Syria Maacha, & de Soba, currus & equites.

7 Conduxeruntque triginta duo millia curruum, & regem Maacha cum populo ejus. Qui cum venissent, castrametati sunt e regione Medaba. Filii quoque Ammon congregati de urbibus suis, venerunt ad bellum.

8 Quod cum audisset David, misit Joab, & omnem exercitum virorum fortium:

9 Egressique filii Ammon, direxerunt aciem juxta portam civitatis: reges autem, qui ad auxilium ejus venerant, separatim in agro steterunt.

10 Igitur Joab intelligens bellum ex adverso, & post tergum contra se fieri, elegit viros fortissimos de universo Israël, & perrexit contra Syrum.

11 Reliquam autem partem populi dedit sub manu Abisai fratri sui; & perrexit contra filios Ammon.

12 Dixitque: Si vicerit me Syrus, auxilio eris mihi: si autem superaverint te filii Ammon, ero tibi in præsidium.

13 Confortare, & agamus virilliter pro populo nostro, & pro urbibus Dei nostri: Dominus autem, quod in conspectu suo bonum est, faciet.

14 Perrexit ergo Joab, & populus qui cum

eo erat, contra Syrum ad prælium: & fugavit eos.

15 Porro filii Ammon videntes quod fugisset Syrus, ipsi quoque fugerunt Abisai fratrem ejus, & ingressi sunt civitatem: reversusque est etiam Joab in Jerusalēm.

16 Videns autem Syrus quod cecidisset coram Israel, misit nuntios, & adduxit Syrum, qui erat trans fluvium: Sophach autem princeps militiæ Adarezer, erat dux eorum.

17 Quod cum nuntiatum esset David, congregavit universum Israel, & transivit Jordanem, irruitque in eos, & direxit ex adverso aciem, illis contra pugnantibus.

18 Fugit autem Syrus Israel: & interfecit David de Syris septem millia curruum, & quadraginta millia peditum, & Sophach exercitus principem.

19 Videntes autem servi Adarezer se ab Israel esse superatos, transfugerunt ad David, & servierunt ei: noluitque ultra Syria auxilium praebere filiis Ammon.

## CAPUT XX.

Bella David prospere acta adversum Ammonias, ac Philisthæos; & in his occiduntur prodigijs gigantes.

<sup>2 Reg. 10. 7. & 11. 1.</sup> **F**actum est autem post anni circulum, eo tempore, quo solent reges ad bella procedere, congregavit Joab exercitum, & robur militiæ, & vastavit terram filiorum Ammon; perrexitque & obsedit Rabba. Porro David manebat in Jerusalēm, quando Joab percussit Rabba, & destruxit eam.

2 Tulit autem David coronam Melchom de capite ejus, & invenit in ea auri pondo talerum, & pretiosissimas gemmas, fecitque sibi inde diadema: manubias quoque urbis plurimas tulit:

3 Populum autem, qui erat in ea, eduxit: & fecit super eos tribulas, & trahas, & ferrata carpenta transire, ita ut dissecarentur, & contererentur: sic fecit David cunctis urbibus filiorum Ammon: & reversus est cum omni populo suo in Jerusalēm.

4 \* Post hæc initum est bellum in Gazer adversum Philisthæos: in quo percussit Sobochai Hushathites, Saphai de genere Raphaim, & humiliavit eos.

5 Aliud quoque bellum gestum est adversus Philisthæos, in quo percussit Adcodatus filius Saltus Bethlehemites fratrem Goliath Gethæi, cuius hasta lignum erat quasi lictorium texentum.

6 Sed & aliud bellum accidit in Geth, in quo fuit homo longissimus, senos habens digitos, id est simul viginti quatuor: qui & ipse de Rapha fuerat stirpe generatus.

7 Hic blasphemavit Israel: & percussit eum Jonathan filius Samaa fratri David. Hi sunt filii Rapha in Geth, qui cederunt in manu David & servorum eius.

## CAPUT XXI.

David populum numerando Deum offendit, peste, quam ex tribus elegerat, percutiuntur plurima milia, donec Deum oratione placaret, & altare in area Ornan Jebusæ erigeret.

**C**onfurrexit autem Satan contra Israel: & concitavit David ut numeraret Israël.

2 Dixitque David ad Joab, & ad principes populi: Ite, & numerate Israël a Bersabee usque Dan: & afforte mihi numerum ut sciām.

3 Responditque Joab: Augeat Dominus populum suum centuplum, quam sunt: nonne domine mi rex, omes servi tui sunt: quare hoc querit dominus meus, quod in peccatum reputetur Israëli?

4 Sed sermo regis magis prævaluit: egressusque est Joab, & circumvicit universum Israël; & reversus est Jerusalēm.

5 Deditque Davidi numerum eorum, quos circuerat: & inventus est omnis numerus Israël, millia mille & centum millia virorum educentium gladium, de Juda autem quadringenta septuaginta millia bellatorum.

6 Nam Levi, & Benjamin non numeravit: eo quod Joab invitus exqueretur regis imperium.

7 Displacuit autem Deo quod jussum erat, & percussit Israël.

8 Dixitque David ad Deum peccavi nimis ut hoc facerem: obsecro aufer iniquitatem servitui, quia insipienter egī.

9 Et locutus est Dominus ad Gad Videntem Davidis, dicens:

10 Vade, & loquere ad David, & dic ei: Hæc dicit Dominus: Trium tibi optionem do; unum, quod volueris, elige, & faciam tibi.

\* 2. Reg.  
24. 13.

11 Cumque venisset Gad ad David, dixit ei: Hæc dicit Dominus: Elige quod volueris:

12 Aut tribus annis famem\*: aut tribus mensibus te fugere hostes tuos, & gladium eorum non posse evadere: aut tribus diebus gladium Domini, & pestilentiam versari intera, & Angelum Domini interficere in universis finibus Israel: nunc igitur vide quid respondeam ei, qui misit me.

13 Et dixit David ad Gad: Ex omni parte me angustiae premunt: sed melius mihi est, ut incadam in manus Domini, quia multæ sunt miserationes ejus, quam in manus hominum.

14 Misit ergo Dominus pestilentiam in Israel: & ceciderunt de Israel septuaginta millia virorum.

15 Misit quoque Angelum in Jerusalem, ut percuteret eam: cumque percuteretur, vidiit Dominus, & misertus est super magnitudine mali; & imperavit Angelo, qui percutiebat: Sufficit, jam cesset manus tua. Porro Angelus Domini stabant juxta aream Ornan Jebusæ.

16 Levanque David oculos suos, vidiit Angelum Domini stantem inter cœlum & terram, & evaginatum gladium in manu ejus, & versum contra Jerusalem: & ceciderunt tam ipse quam majores natu vestiti cilicii, proni in terram.

17 Dixitque David ad Deum: Nonne ego sum, qui iussi ut numeraretur populus? Ego, qui peccavi: Ego, qui malum feci: iste grex quid commeruit? Domine Deus meus vertatur, obsecro, manus tua in me, & in domum patris mei: populus auctem tuus non perciatur.

18 Angelus autem Domini præcepit Gad, ut diceret David ut ascenderet, extrueretque altare Domino Deo in area Ornan Jebusæ.

19 Ascendit ergo David juxta sermonem Gad, quem locutus ei fuerat ex nomine Domini.

20 Porro Ornan cum suspexisset, & vidisset Angelum, quatuorque filii ejus cum eo, abscon-

de.

derunt se: nam eo tempore terebat in area triticum.

21 Igitur cum veniret David ad Ornan, conspexit eum Ornan, & processit ei obviam de area, & adoravit eum pronus in terram.

22 Dixitque ei David: Da mihi locum areæ tuæ, ut ædificem in ea altare Domino: ita ut quantum valet argenti accipias, & cessest plaga a populo.

23 Dicit autem Ornan ad David: Tolle, & faciat dominus meus rex quocumque ei placet: sed & boves do in holocaustum, & tribulas in ligna, & triticum in sacrificium: omnia libens præbebo.

24 Dixitque ei rex David: Nequaquam ita fiet, sed argentum dabo quantum valet: neque enim tibi auferre debedo, & sic offerre Domino holocausta gratuita.

25 Dedit ergo David Ornan pro loco siculos auri justissimi ponderis sexcentos.

26 \* Et ædificavit ibi altare Domino: obtulitque holocausta, & pacifica, & invocavit Dominum, & exaudiuit eum in igne de cœlo super altare holocausti.

27 Præcepitque Dominus Angelo: & convertit gladium suum in vaginam.

28 Protinus ergo David, videns quod exaudiisset eum Dominus in area Ornan Jebusæ, immolavit ibi victimas.

29 Tabernaculum autem Domini, \* quod fecerat Moyses in deserto, & altare holocaustorum, ea tempestate erat in excelso Gabaon.

30 Et non prævaluit David ire ad altare, ut ibi obsecraret Deum: nimio enim fuerat timore perterritus, videns gladium Angeli Domini.

#### C A P U T . XXII.

*Præparat David necessaria ad ædificandum templum Domini, quod Salomon præcipit ut extruat, Deumque semper sedulo colat, exhortans principes ut illi sint auxilio.*

I D ixitque David: Hæc est domus Dei, & hoc altare in holocaustum Israel.

2 Et præcepit ut congregarentur omnes profecti de Terra Israel, & constituit ex eis latomas ad cedendos lapides & poliendos, ut ædificaretur domus Dei.

Dd 5

3

*Exod.*

*3. 1.*

3 Ferrum quoque plurimum ad clavos janu-  
rum, & ad comissuras atque juncturas preparavit  
David: & æris pondus innumerabile.

4 Ligna quoque cedrina non poterant estimari,  
qua Sidonii, & Tyrii deportaverant ad David.

5. Et dixit David: Salomon filius meus puer  
parvulus est & delicatus: domus autem, quam  
adficari volo Domino, talis esse debet, ut in cun-  
dis regionibus nomineatur: preparabo ergo ei  
necessaria: & ob hanc causam ante mortem suam  
omnes preparavit impensas.

6 Vocavitque Salomonem filium suum, & præ-  
cepit ei ut aedificaret domum Domino Deo Israei,

7. Dixitque David ad Salomonem: Fili mi, vo-  
luntatis meae fuit, ut aedificarem domum nomini  
Domini Dei mei.

8 Sed factus est sermo Domini ad me, dicens:  
Multum sanguinem effusisti, & plurima bella bel-  
laasti: non poteris aedificare domum nomini meo,  
tanto effuso sanguine coram me:

9. Filius, qui nascetur tibi, erit vir quietissi-  
mus: faciam enim eum requiescere ab omnibus  
inimicis suis per circuitum: & ob hanc causam,  
pacificus vocabitur: & pacem & otium dabo in-  
Israe cunctis diebus ejus.

\* 2 Reg. 5. 17.  
3. Reg. 5. 2. Reg. 5.  
7. 14. 1. S. Hebrei 1. 5.

10. \* Ipse aedificabit domum nomini meo, &  
ipse erit mihi in filium, & ego ero illi in patrem:  
firmabique folium regni ejus super Israe in et-  
ernum.

11 Nunc ergo, fili mi, sit Dominus tecum, &  
prosperare, & aedifica domum Domino Deo tuo,  
icut locutus est de te.

12 Dei quoque tibi Dominus prudentiam &  
senum, ut regere possis Israe, & custodire le-  
gem Domini Dei tui.

13 Tunc enim proficere poteris, si custodieris  
mandata & judicia, quæ præcepit Dominus Moysi  
ut doceret Israe: confortare & viriliter age, ne  
timeas, neque paveas:

14 Ecce ego in paupertate mea præparavi im-  
penas domus Domini, auri talenta centum mil-  
lia, & argenti mille millia talentorum: æris vero,  
& ferri non est pondus, vincitur enim numerus

ma-

magnitudine: ligna & lapides præparavi ad uni-  
versa impendia.

15 Habes quoque plurimos artifices, latomos &  
cementarios, artificeque lignorum, & omnium  
artium ad faciendum opus prudentissimos,

16 In auro, & argento, & ære, & ferro, cujus  
non est numerus. Surge igitur, & fac, & erit Do-  
minus tecum.

17 Præcepit quoque David cunctis principibus  
Israel, ut adjuvarent Salomonem filium suum.

18 Cernitis, inquiens, quod Dominus Deus ve-  
ster vobis sit, & dederit vobis requiem per  
circulum, & tradiderit omnes inimicos vestros  
in manus vestras, & subiecta sit terra coram Do-  
mino, & coram populo ejus.

19 Præbete igitur corda vestra & animas vestras,  
ut queratis Dominum Deum vestrum: & confur-  
gite, & aedificate sanctuarium Domino Deo, ut in-  
troducatur arca foederis Domini, & vasa Domini  
consecrata, in dominum, quæ sedificatur nos in  
Domini.

#### C A P U T X X I I I .

David senex, Salomone rege designato, nume-  
ratorum Levitarum officia designat; Moysique filii  
Levitæ annumerantur.

1 Gitur David senex & plenus dierum, regem  
constituit Salomonem filium suum, super  
Israe.

2 Et congregavit omnes principes Israel, & Sa-  
cerdos atque Levitas.

3 Numeratique sunt Levitæ a triginta annis, &  
supra: & inventa sunt triginta octo millia vi-  
rorum.

4 Ex his electi sunt, & distributi in ministe-  
rium domus Domini viginti quatuor millia: præ-  
positorum autem & judicum sex millia.

5 Porro quatuor millia janitores: & totidem  
psalte canentes Domino in organis, quæ fecerat ad  
canendum.

6 \* Et distribuit eos David per vices filiorum \* Supra  
Levi, Gerson videlicet, & Caath, & Merari. 6. 1.

7 Filii Gerson: Leedan, & Semei.

8 Filii Leedan: princeps Jahiel, & Zethan, &  
Joel, tres.

9

## 426 LIBER I. PARALIP. CAP. XX.

19 Filii Semei: Salomith, & Hofiel, & Aran, tres: isti principes familiarum Leedan.

20 Porro filii Semei, Leheth, & Ziza, & Jaus, & Baria: isti filii Semei: quatuor.

21 Erat autem Leheth prior, Ziza secundus: porro Jaus & Baria non habuerunt plurimos filios, & idcirco in una familia, unaque domo computati sunt.

22 Filii Caath: Amram, & Isaa, Hebron, & Oziel, quatuor.

\* Supra  
6. 7.  
\* Heb.  
5. 4.

23 \* Filii Amram: Aaron, & Moyles. \* Separatusque est Aaron ut ministraret in Sancto Sanctorum, ipse & filii ejus in tempiternum, & adoleret incensum Domino secundum ritum suum, ac benediceret nomini ejus in perpetuum.

24 Moyls quoque hominis Dei, filii anumerati sunt in tribu Levi.

\* Exod.  
22. 2.  
18. 3. 4.

25 Filii \* Moyls: Gersom, & Eliezer.

26 Filii Gersom: Subuel primus,

27 Fuerunt autem filii Eliezer: Rohobia primus: & non erant Eliezer filii alii. Porro filii Rohobia multiplicati sunt nimis.

28 Filii Isaa: Salomith primus.

29 Filii Hebron: Jeriau primus, Amarias secundus, Jahaziel tertius, Jecmaan quartus.

30 Filii Oziel: Micha primus, Jefia secundus.

31 Filii Merari: Moholi, & Musi. Filii Moholi: Eleazar, & Cis.

32 Mortuus est autem Eleazar, & non habuit filios, sed filias: acceperuntque eas filii Cis fratres earum.

33 Filii Musi: Moholi, & Eder, & Jerimoth, tres.

34 Hi filii Levi in cognationibus, & familiis suis, principes per vires, & numerum capitum singulorum, qui faciebant opera ministerii domus Domini a viginti annis, & supra.

35 Dixit enim David: Requiem dedit Dominus Deus Israel populo suo, & habitationem Jerusalem usque in eternum.

36 Nec erit officii Levitarum ut ultra portent tabernaculum, & omnia vasa ejus ad ministrandum.

## LIBER I. PARALIP. CAP. XXIV. 429

27 Juxta præcepta quoque Dayid novissima suppeditabitur numerus filiorum Levi a viginti annis & supra.

28 Et erunt sub manu filiorum Aaron in cultum domus Domini, in vestibulis, & in exedris, & in loco purificationis, & in sanctuario, & in universis operibus ministerii templi Domini.

29 Sacerdotes autem, super panes propositiōnis, & ad similitate sacrificium, & ad lagana azyma, & sartagine, & ad torrendum, & super omne pondus atque mensuram.

30 Levites vero ut stent mane ad confitendum, & canendum Domino: similiterque ad vesperam,

31 Tam in oblatione holocaustorum Domini, quam in sabbatis & calendis & solemnitatibus reliquis juxta numerum, & cærenias uniuscujusque rei, jugiter coram Domino.

32 Et custodian observationes tabernaculi fœderis, & ritum sanctuarli, & observationem filiorum Aaron fratrum suorum, ut ministrarent in domo Domini.

## CAPUT XXIV.

Familiarum Eleazar & Ithamar classes seu vicces 24. in ministerio Domini a David designantur, reliquarumque Levitarum familie similiter forte distribuuntur.

1 Porro filiis Aaron haec partitiones erant: Filii Aaron: Nadab, & Abiu, & Eleazar, & Ithamar.

2 \* Mortui sunt autem Nadab, & Abiu ante patrem suum absque liberis: sacerdotioque funeris est Eleazar & Ithamar.

3 Et divisit eos David, id est, Sadoc de filiis Eleazari, & Ahimelech de filiis Ithamar, secundum vices suas & ministerium.

4 Inventique sunt multo plures filii Eleazar in principibus viris, quam filii Ithamar. Divisit autem eis, hoc est filiis Eleazar principes per familias sedecim: & filiis Ithamar principes per familias & domos suas octo.

5 Porro divisit utrasque inter se familias sortibus: erant enim principes sanctuarli, & principes

Lev.  
10. 2.  
Num. 3. 4.